

Sastanak Visokog predstavnika sa BiH Predsjedništvom

Na poziv Predsjedništva BiH, Visoki predstavnik Wolfgang Petritsch i članovi Predsjedništva: Jozo Križanović, Beriz Belkić i Živko Radišić, danas su u Sarajevu održali uspješan radni sastanak u vrlo pozitivnoj atmosferi.

Između ostalog, bilo je više riječi o afirmaciji ustavne pozicije Predsjedništva BiH u cilju rješavanja brojnih političkih, ekonomskih i socijalnih problema u Bosni i Hercegovini.

Zajednički je konstatovana potreba što bolje saradnje institucija u Bosni i Hercegovini na svim nivoima i izraženo uvjerenje da će Predsjedništvo BiH u narednom periodu u većoj mjeri preuzeti Ustavom utvrđenu ulogu u koordinaciji medju entitetima i državnim institucijama, što je i definisano članom III, tačka 4 Ustava BiH. Visoki predstavnik podržao je prijedlog da se i predsjednici entiteta aktivnije uključe u rad Predsjedništva BiH i daju svoj doprinos formulisanju zajedničke politike.

Visoki predstavnik i Predsjedništvo BiH saglasni su da svi nivoi vlasti u zemlji moraju hitno stimulisati ekonomsku reformu, s obzirom na alarmirajuće znake zadržavanja niske stope ekonomskog rasta u BiH. Ovo se posebno odnosi na potrebu hitnog rebalansa državnog budžeta, s obzirom na značajne potrebe u finansiranju ključnih institucija na državnom nivou, kao što su Državna granična služba i Ministarstvo inostranih poslova. Visoki predstavnik i članovi Predsjedništva su se složili da BiH vlasti treba da poduzmu značajne mjere štednje i racionalizacije državne potrošnje, kako bi se u pregovorima sa medjunarodnim finansijskim institucijama pokazalo da su vlasti u BiH svjesne svoje odgovornosti u ovom vitalnom pitanju.

U cilju punog doprinosa BiH medjunarodnoj borbi protiv terorizma, postignuta je saglasnost Predsjedništva i Visokog predstavnika da se na nivou države odmah implementira projekat zaštite ličnih podataka građana (CIPS), u čemu posebnu odgovornost ima Savjet ministara BiH.

Ovom prilikom, naglašen je značaj rada ustavnih komisija u entitetima. Visoki predstavnik je naglasio potrebu hitne implementacije Odluke Ustavne komisije o konstitutivnosti BiH naroda u oba entiteta i najavio Predsjedništvu da će na narednoj sjednici, krajem oktobra ove godine, političke direktore Upravnog odbora Vijeća za implementaciju mira u BiH obavjestiti o radu ustavnih komisija.

Visoki predstavnik je posebno naglasio, a Predsjedništvo je saglasno, da transformacija javnog RTV sistema u BiH mora da bude potpuno transparentna, bez političkog uticaja, te da se izvede po najvišim medjunarodnim standardima i uz finansijsku i ekspertsку pomoć medunarodne zajednice. Zajednički je zaključak da se pred sami početak rada Federalne televizije za Predsjedništvo, organizuje prezentacija projekta rekonstrukcije sistema javnog emitovanja.

Na kraju sastanka, konstatovano je da su rezultati ovakvih radnih dogovora Predsjedništva i Visokog predstavnika veoma značajni i u duhu partnerskih odnosa. Dogovoren je redovno održavanje ovakvih skupova i u narednom periodu.